

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

- 1. Upernaviup eqqaani, ilaatigut avannaatungaani soorlu Nuussuup kitaata tungaani, Qilalukkat aqqutigisartagaanni, atuisunit piniartunillu nalunaarutigineqartut allallu naapertorlugit, Qilalukkanut akornutaasinnaasunik nipiliortunik nakkaatitsisoqarsimasinnaaneranut apeqqutit:**
 - a. Qilalukkanut nujuarsaatinik assigisaanilluunniit akornutaasinnaasunik nakkaatitsisoqarsimanerannut Naalackersuisut pisorta qarfiilluunniit allat arlaatigut ilisimasaqarpat tusagaqarsimappalluunniit? Taamaassimappat...
 - b. Suunuku eqqartorneqartut?
 - c. Kikkunukua nakkaatitsisut?
 - d. Taamatut iliortut kikkunnit nakkutigineqartussaataappat?
 - e. Kiap taamaasiorsimasut akisussaaffigai?
 - f. Sumerpiaq nakkaatitsisoqarsimava?
 - g. Tamakkeraanni qassit katillugit nakkartinneqarsimappat?
 - h. Ilisimatusarnikkut siunnersuisoqatigiit ("Forskningsråd") tamanna arlaatigut malinnaaffigaat nakkutigaallu?
 - i. Tamassumunnga tunngasunik Naalackersuisut allanik ilassutissaqarpat?
- 2. Kalaallit Nunaanni piniarfinni piniartunut, piniagassanut, uumasunullu allanut akornusersuutiniq iliuuseqartoqassatillugu pineqaatissiissutaasinnaasut kingueqartitsissutaasinnaasulluunniit suut atuuppat?**

(Inatsisartunut ilaasortaq Isak Johannessen, Naleraq)

Tunngavilersuutit:

Massakkut ulluni makkunani Qilalukkat kujammukaarnerat naleqqueruttorpaa, Kullorsuaq Nuussuaq qilalugaqatigiiaat kujammukaarlutik nallerpaat. Naliginnaasumillu ukiuni siuliini ukiorparujussuannngortuni, assersuutigalugu Nuussuaq pulasarpaat, kisianni massakkumut sulii pulasimannngikkaat piniartut tupigusupput, soorlugooq qunugisaqarlutik kangimut nikeriarneq ajuleqqasut, avataaniiginnarlutillu.



Eqqaaneqaannaavillunilu nakkaatinneqarsimasut suut pinerput, piniartunit aalisartunik tusaamaneqarluni oqaluuserineqartoq tusallattaavara anngussiffigineqarlutalu paaserusupparput ilumoornerseq nujuarsaatinik nakkaatitsisoqarsimanersaq nipiliortunik imalu arlaatigut miluumasut uumasut qilalugaqatigiit ersigisaannik. Tassa imatut paasillugu, piniartut piniagassaannik ajoqutinik nakkaatitsisoqarsimasaq, piniakkat aqquataannut, taamaasilluni ingerlaarfii allanngorlutik.

Ikilikutullu misigititserusulluni taamaasiortoqarsimanissaa erumagineqarluni. Paaserusunnarpoq suna piviusuunersaq piniartut anngussaak piviusuunersut paaserusullugit, nassuiaasoqarnissaa piumasarinarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasaq aallaavigineqassaaq.